



Meeqqat atuarianni naammassisut amerlanerpaat ilinniartitaanerup iluani ingerlaqqittarnissaat qulakkeerniarlugu meeqqat atuariata siunertaata qanoq ittuuneranik ittuusariaqarneranillu naatsorsuutiginninneq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Sofia Geisler, Inuit Ataqatigiit)

Inatsisartunut ilaasortaq Sofia Geisler matumuuna oqallisissiaanut qujanaq.

Meeqqat atuariat tassaavoq sammisani annertuumik unammilligassaqarfiusutut aaliagiisartutut isumaqatigiiffisarput. Unammilligassarli nutaajungilaq. Killormulli meeqqat atuarianni pikkorissutsip qaffasissusaa appasippallaammarmat ukiorpassuarni isumaqatigiissimavugut.

Ajornartorsiutinilli aaqqiiniarnermut suliniutit ajoraluartumik arriippallaarput. Meeqqat atuarianniit inaarutaasumik misilitsinnermi pikkorissuseq nalinginnaasumik appasippallaaqaq, tamannalu ajornartorsiutipilussuuvoq aaqqiivigisariaqagarput. Demokraatit aaqqiissut tamakkiisooq pigingilaat, allat aamma taamatut nassuinnartariaqarput, taamaanngikkaluarpammi ajornartorsiut ullumi 2019-imi ukiorpassuarni sammereerlugu aqqissimassangaluarparput.

Demokraatit sunarpiaq pisariaqarnerisooq paasiniarlugu siammasissumik oqallinnissamut piareersimavugut. Illutatigut pitsaassusermik qaffassaasariaqarpugut? Ilinniartitsinnermi ilinniutinik nutartikkanik peqartariaqarpugut? Atuaqatigiikkuutaat ikinnerusalissappat, aammalu taamaattoqassappat qassiusassappat? Marlunnik ilinniartitsisoqarnermik periuseqassaagut? Ilinniartitaanermi akunnerit amerlanerit imaluunniit killormuuanik ikinnerit atorlugit ilinniartitsisalisaagut?

Ajornartorsiutip qiterpiala nassaariniartariaqarparput, taamaalillutalu suliniutinik angusassamik toraagalinnik piffissami qaninnermi ungasinnermilu ajornartorsiutinik aaqqiisinnaasunik nassaariniartariaqarpugut. Inuiaqatigiittut sanngiittumik meeqqat atuarfeqarnissarput akissaqartingilarput, tassami meeqqat atuariat ilinniartitaanermi ingerlariaqqinnissamut toqqaviummat. Taamaammallu meeqqat amerlavallaartut meeqqat atuarianniik ilikkangaqarpiaratik naammassisarpata atorsinnaangilaq.

Demokraatit nalungilaat sammisaq una tamatta – qanorluunniit politikkikkut qalipaateqaraluarutta – suliassani annertuumik naammassiniagassaasooq isumaqatigiiffigipput. Isumaqarpugut inuiaqatigiinnut akisussaaffeqarluta ataatsimoorlutalu meeqqat atuariat pitsanngorsarniarlugu suleqatigiissinnaalluta takutissinnaagutsigu ajunngitsuussangaluartooq. Aammattaaq uiverratilinniginnissarput pingaaruteqarpoq. Iluaqutaanaviangiarmi asuli aaqqiissutissanut affakuinnarnut iluaqutaanngitsunullu aningaasaatigut atorutsigit. Eqqarsarluartariaqarpugut ulluinnarnilu meeqqat atuarianni sullissisisunit peqataatitsinissarput pingaaruteqarpoq. Tassuuna eqqarsaatigaakka ilinniartut, angajoqqaat, ilinniartitsisut, pædaguut



DEMOKRAATIT
DEMOKRATERNE

atuarfinnilu aqutsisut.

Tassaappullu Demokraatit massakkuungallartoq oqallinnermut ilanngukkusutaat.